



UNIVERSITÄTS-
BIBLIOTHEK
PADERBORN

Universitätsbibliothek Paderborn

**M. Adami, Scriptoris Vetvsti, Historia Ecclesiastica,
Religionis Propagatae Gesta, Ex Hammabvrgensi
Potissimum Atque Bremensi Ecclesiis, Per Vicina
Septentrionis Regna**

Adamus <Bremensis>

Helmetadi[i], 1670

XVII. Diploma Heinrici IV. Imp. De Villa Sinziche.

urn:nbn:de:hbz:466:1-11096

SIGEHARDVS CANCELLARIVS VICE SIGEFRIIDI ARCHICANCELLARII RECOGNOVI.

Data XIV. Kl. Novembr. Anno Dominici Incarnationis MLXV. Indictione III. anno autem incarnationis Domini HEINRICI quarti Regis XI. regni vero IX. Actum Goslarie in Dei nomine feliciter, Amen.

XVII.

DIPLOMA HEINRICI IV. IMP. DE VILLA SINZICHE. †

† Sicut
cum vocat
Adamus,
quem vide
lib. 4. c. 24.
pag. 124. &
lib. 3. cap.
30. p. 101.

IN nomine sancte & individue Trinitatis HEINRICVS
divina favente clementia Rex.

Cum regie dignitatis sit ius cuiquam servare suum, precipue tamen ecclesiastica iura nobis observanda videntur, quia si peccandum, tolerabilius in hominem quam in Deum, si non peccandum, reverentius tamen Deo quam hominibus obsequendum. Nos quidem patrum precedentium vestigia imitari cupientes, augere bona ecclesiastica, aucta retinere, nostroque, in quantum possumus, patrocinio tueri debemus, quatenus nostra tenera etas ad virile robur anhelans, promoveri si promoverit sperans, & dandi in Deo gloriam assequatur, & data inter homines confirmandi gratiam non amittat. Unde omnibus Christi nostrique fidelibus, tam futuris quam presentibus, notum esse volumus, qualiter bene erga nos promerentem ADALBERTVM Hammaburgensem Archiepiscopum digne remunerantes, ad Archiepiscopalem ecclesiam scilicet Hammaburch in honore domini & Salvatoris nostri, ejusque intemerate genetricis MARIE, & beati

beati IACOBI Apostoli, sancti quoque Viti martyris, constructam villam unam SINZICHE dictam, in pago Archgouve PERTIOLDI Comitatus sitam, cum omnibus appendiciis, hoc est, utriusque sexus mancipiis, villis, vineis, agris, pratis, campis, pascuis, silvis, venationibus, terris, cultis, & incultis, aquis, aquarumve decursibus, molis, molendinis, piscationibus, exitibus & reditibus, viis, & in viis, quaesitis & inquirendis, monetis quoque mercatis, theloneis, omniq. districtu in proprium dedimus atque tradidimus, & perpetua-liter possidendam concessimus. Ea videlicet ratione, ut praedictus ADALBERTVS, ejusdem sedis Archiepiscopus, sui que successores eandem, quam de caeteris ecclesiae suae bonis legaliter adquisitis, liberam & de hac potestatem habeant tenendi, commutandi, precariandi, vel quicquid ad utilitatem suae ecclesiae voluerint, faciendi. Et ut haec nostra regalis traditio stabilis & inconuulsa, omni permaneat aetate, hanc cartam inde conscribi, manuque propria corroborantes, sigilli nostri impressione iussimus insigniri.

SIGNVM DOMINI HEINRICI QVARTI REGIS.

SIGEHARDVS CANCELLARIVS VICE SIGEFRIIDI ARCHICANCELLARII RECOGNOVI.

Data XIV. Kl. Nov. Anno Domini Incarnationis M.LX.V. Indictione III. Anno autem ordinationis Domni HEINRICI quarti Regis XI. regni vero IX. Actum Goslariae in Dei nomine feliciter, Amen.

Ee 3

DIPLO-